

ŠEST PRVAKA IZ ZENICE

U izvrsnoj organizaciji Š.K. „VISOKO“ u nedjelju je (01.04.2012).g.) u Medresi „Osman ef. Redžović“, održano šahovsko prvenstvo Zeničko-dobojskog kantona za juniore i kadete za 2012. godinu, čime su pobjednici automatski stekli pravo učešća na prvenstvu koje se održava u Neumu krajem ovog mjeseca. Od ukupno održanih takmičenja u 7 kategorija, šest titula ponijeli su zeničani (po tri Š.K. „Preporod“ i Š.K. „Čelik“), dok je jednog prvaka dobila Breza.

Rezultati po kategorijama:

Muškarci do 10 godina – prvi Nedim Šestić iz Š.K. „Čelik“ (6 iz 6), drugi Emrah Talić takođe iz Š.K. „Čelik“ sa 3 poena;

Muškarci do 12 godina – prvo i drugo mjesto sa po 3 poena osvojili Dino Marković i Vedin Ćosić iz Š.K. „Preporod“, u doigravanju prvak je postao Dino Marković koji je savladao Vedima sa 1 ½ : ½;

Žene do 16 godina – prvo i drugo mjesto osvojile Adna Avdić („Preporod“ i Irma Marković „Čelik“ sa po 4 ½ poena – žrijebom prvakinja postala Irma Marković;

Muškarci do 16 godina – Prvak postao Faris Čunjalo („Preporod“) sa 4 poena, drugi je bio Amin Hasanspahić (Š.K. „Breza“) sa 3 ½ poena;

Žene do 18 godina – prvakinja je ubjedljivo Amna Avdić („Preporod“) sa 4 poena, drugo i treće mjesto dijele Merjem Silajdžić i Dalila Memiš, obje iz Š.K. „Visoko“ sa po jednim poenom;

Muškarci do 18 godina – prvo mjesto ubjedljivo je osvojio Belmin Puljić iz Š.K. „Čelik“ (4 iz 4), drugo mjesto osvojio je Jakub Smaka iz Š.K. „Sopot“ Kakanj sa 2 poena;

Muškarci do 20 godina (svega 2 učesnika) – prvi je Nusret Mešić iz Š.K. „Breza“ koji je u dvokružnom meču sa El-Nur Mehmedovićem iz „Visokog“ dobio tri partije;

U predivnom ambijentu visoke Medrese igračice i igrači zaista su uživali u igri i druženju. Susret je korektno i uspješno vodio FIDE sudija Fahrudin Ćerim uz asistenciju Halida Bajramovića. Mrlju na prvenstvo ostavili su šahisti iz Tešnja i Zavidovića koji, iako uredno najavljeni, nisu doputovali niti su kako opravdali izostanak sa prvenstva. Kuriozitet ovog prvenstva predstavlja podatak da u kategoriji do 14 godina ni jedan klub nije imao predstavnike ni u ženskoj ni u muškoj konkurenciji.

V.Š.